

武英殿聚珍版丛书

天

地

人

物

事

理

法

道

澗泉日記卷中

宋

韓

澆

撰

王欽臣仲至洙之子賜進士第錢穆甫薦于哲宗以爲
學士上曰章惇不喜乃以仲至開封尹穆甫爲學士後
坐元祐黨以集賢殿修撰知和州徙饒州落職提舉江
州太平觀信州居住建中靖國初起知兗州復職知潁
昌除龍圖待制知成德軍卒信州有試墨帖必其時也
案宋史載欽臣初用蔭入官文彥博薦試學士院賜進
士及第歷集賢殿修撰知和州徙饒州斥奉祠徽宗初
復待制而不載其爲開封尹攷欽臣彼時賜進士未久
不當便尹開封此句必有脫訛然史云復待制亦不能

清身日言
無誤待制非原官安得云復此所謂復職者復修
撰之職而後再除待制也此亦可以正史之誤

徐釐字應祺上饒人溪干築室名竹莊作兼淨亭在水
竹閒先公爲作銘亦與唱酬負氣豪俊先公嘗以詩和
之云直須座上千鍾酒澆起胸中萬卷書竟不一第而
死貧窶妻子星散竹莊亦他人有之

潘閬累試不捷太宗登極以龍蛇皆變惟已轆軻乃興
歸隱之志高放之情吟詩寄陳希夷先生曰不信先生
語剛來帝里遊清宵無好夢白日有閒愁世態旣如此
壯心應已休求歸歸未得吟上水邊樓旣達宸聰懼其

言如訕上乃逃于江表數載後入靈隱山

案闔字逍遙劉敞詩話太

宗晚好修煉闔嘗上方書真宗卽位闔懼誅匿舒州潛山寺爲行者題詩鐘樓有云頑童趁暖貪春睡忘卻登樓打曉鐘郡守孫瑾見之曰此潘逍遙也告寺僧呼之已逸去宋詩紀事謂闔居錢唐太宗召對賜進士第與王繼恩善繼恩下獄捕闔弗得咸平初來京京尹收繫之真宗釋其罪以爲滁州參軍或謂坐虛多遜黨追捕非也與此所載各異

晁文元子宗慤擢正字章服詣謝公亦不顧其夫人嘗密覘之但見瞑目端坐鬚髮搖風凝然若木偶嘗有詩云鍊鑛成金得寶珍鍊情成性合天真相逢此理交談者千百人中無一人

朱穆字公叔尊德樂道爲當時所服常感時澆薄慕尙

敦篤作崇原論

案穆崇原論略曰仁義起而道德遷禮法興而敦朴散夫中世之所敦已爲上

世之所薄況又薄于此乎

郭雍字子和在夷陵居山巔時時入城市有著述解易

作傳監司太守嘗薦之賜號冲晦處士死而賜諡頤正

先生謝尙書諤昌國嘗從之遊澆家父子不獲識面亦

不獲通問也

尹焞字彥明號和靖先生伊川程氏之高弟也在道山

時先公嘗拜之

劉一止字行簡作給事有文詞先公出入其門爲作行狀號茗溪先生集刊行于世

胡宏字仁仲號五峯先生文定公之子紹興閒召不出其兄寅爲侍郎五峯嘗作皇王大紀其閒有數段奇甚又有知言書門人張栻作序

張九成字子韶官至侍郎爲世儒所屈指在道山時先公得遊其門號橫浦先生好禪學士論或以爲不醇爾呂本中字居仁正獻之後原明侍講之孫評論詩文必歸醇雅葬信州德源山號東萊先生嘗作經筵詞掖誥

命尤有典則

程迥字可久號沙隨先生有易解嘗作田賦書明占法
從喻子材聞人茂德諸公遊議論博洽作上饒宰以不
能辦財賦得辭歸老鄱陽朱元晦喜其寫字筆正嘗託
寫武王踐阼一篇先公亦嘗招之一飯渡近年亦得三
四通問也在上饒及舊居鄱陽時屢得聞其談論

蔡迨字肩吾許昌人蔡文忠公齊之孫流落川蜀先公
典銓日以文卷來訪先公奇之旣薦之又作鼎說以送
之議論從容有故家典則爲桂陽令以歿其子武子亦

俊爽好文今漂流在荆湘間

龐謙孺字祐甫先公友也自號白蘋老人善騷雅高甚
陸沈選調窮困至死微佞佛作蓮社故相龐籍之孫也
案宋史龐籍傳附載孫恭孫傳而不及謙孺詩人玉屑
云謙孺籍之曾孫南渡居吳興是恭孫爲謙孺父行此
所云籍之孫者誤也然恭孫字德孺其子姪不應以其
字爲名且恭與謙義亦相比又似德孺謙孺爲兄弟然
者或其一乃以字
行歟附識于此

王洋字元渤官中書舍人在信州城居前有荷花水木
之趣因號王南池關宴坐一室號半僧寮清貧衣服簞
甚與呂舍人曾侍郎厚善詩篇嘗得其爲李彭作養源

齋記讀之

王時敏字德修先公友也從呂居仁學居仁薦之尹和靖半年和靖卒守師說甚堅先公爲寫三畏堂榜作求志齋記今皓首坐堂上兒孫擾擾前後鰥居誦書如故芮煒作祭酒有文名善類歸之先公與之善

案西吳里語煒字國

器烏程人紹興戊辰進士爲國子司業晦菴深器之吳興備志云官左從郎仁和縣尉以忤秦檜竄化州檜死召還齊東野語亦載其爲仁和縣尉有屠孽龍事皆不言其爲祭酒或其召還後調司業而轉祭酒耶附識于此

范端臣字元卿先公友也談論滑稽文彩可觀圍棊飲

酒滿坐風生作起居郎而死葬之子陵釣臺其家在蘭

溪香頭

案香溪集附錄端臣字元卿處士浚從子也受學于浚金華先民傳云紹興中進士官中書舍

人有蒙齋集三卷世居蘭溪之香頭至今其地尚仍舊稱

李燾字仁甫蜀中史學之首號議論有根據亦清放嘗

爲禮部侍郎修史再召至作侍讀復任修史之命而終

先公與之同在從班往來亦相善

陸子壽居家孝友少理禪學中年造孔孟之奧伯恭以

書薦之于先公僅與一日相會時望歸之作教授而終

案宋詩紀事陸九齡字子壽金

谿人乾道五年進士官教授

史伯彊蜀人豪于詩酒議論激烈有戰國氣象隻身往來江湖閒上書不偶布衣皮冠自放浪而已時時醉中罵坐語皆不徒發湯朝美與之友善時時與錢數十百千伯彊隨用見人貧苦卽解衣或借人錢物與之嘗以一詩寄先公先公雖不識面亦嘗致書謝之浣在池陽時偶得見之市中有力者亦爲刊虎囊集平日不肯妄與人過從世不識者多怪其好罵也

案伯彊名千見蜀中廣記

汪聖錫在福唐時賓禮李愿中趙子直在福建亦延請

程可久

案宋史隆興二年汪應辰以議太上尊號不稱旨乞補外乃知福州此作福唐恐誤

洪邁忠宣公皓之幼子也作翰林學士有文名制詞有典式喜用艱深之詞以作碑記世亦以此寶之在鄱陽居先公在仕路亦相善其兄适丞相邁樞密先公亦與之相善

范成大字致能先公亦與之善官參政葺園圃之勝求壽皇御書爲石湖之榜因自號石湖居士喜寫草書行書又喜賦詩人亦多喜之

章甫字冠之先公友也號轉庵居士本鄱陽人居儀真善隸古有易足居士自鳴集先公嘗爲作易足堂記

趙彥端字德莊先公友也詩文有法度不阿近貴立朝
高甚談笑風流傲睨千古醉中往往談禪一座爲傾死
于餘干先公爲銘墓

陸游字務觀先公友也善歌詩亦爲時所忌先公與之
唱和舊有京口小詩集務觀作序今已作南宮舍人居
越上自號放翁

毛幵字平仲柯山人尙書友龍之子也負氣不羣詩文
清快與尤袤延之相厚自宛陵罷官歸號樵隱居士有
集臨死作手書抵延之語如神仙先公在婺平仲以詩

文一帙來贈雖數數通問亦一再賡和竟與先公不相

識案合璧事類毛友初名友龍字達可官禮部尚書三衢人柯山在今衢州西安縣亦名爛柯山相傳王質

遇仙處

辛棄疾字幼安有機數調度高放詞語灑落俗傳所謂稼軒長短句是也

范祖禹忠文公之姪之子也范冲元長乃祖禹醇甫之子中書侍郎百祿乃忠文公之從子祖禹乃呂晦叔堦從溫公遊又師二程

呂與叔蔭官不應舉或問其故曰不敢揜祖宗之德

呂祖謙中國公丞相公著之孫中書舍人本中之姪孫

先公以兩女妻之有學問有文章氣度沖和議論平正

僅爲祕書郎而死

案宋史呂祖謙傳祖謙好問之孫而好問乃公著之孫希哲之子本中又

好問之子也以世次攷之祖謙當爲公著五代孫而本中之姪流于祖謙爲懿親而呂氏又當時望族其世系

宜人人知之何至傳訛若是蓋傳寫之誤孫字上脫五世二字姪字下衍一孫字也

張芸叟乃陳后山妹壻王平甫乃曾南豐妹壻

陳剛中字享仲爲文林郎刪定官引對願下詔不得以

虛名文具欺罔朝廷翼日進呈上日近所引對多是人

材朕雖得珠玉珍玩不足爲寶但冀得十數人物乃足

爲寶也令學士院降詔出榜廟堂以剛中爲左宣教郎

充樞密院編修官

案閩書陳剛中字彥柔閩清人祥道之姪建炎二年進士官迪功郎上言

罷冗食去虛文遷大府丞應詔上封事忤秦檜復坐作啓賀胡銓貶官與張九成同被謫又宋史鄭剛中字亨仲金華人進士甲科累官殿中侍御史初以秦檜薦歷禮部侍郎不敢論和議後終忤檜謫團練副使二人同名其仕履均與此所載各異而彥柔之字尤與亨仲迥別疑陳字乃鄭字音近之訛亨字乃亨字字近之訛然史不載鄭剛中有上書及廷對事陳剛中事蹟與此所記較相似或號誤書彥柔爲亨仲耶附識于此

公武晁文莊之孫冲之叔用之子叔用有詩名子止記

問博洽作易春秋傳援據詳甚不甞臆說作少尹時先

公在朝與之親契亦相往來子止之親女兄先公之伯